

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YB. DATUK SERI NOH BIN HAJI OMAR
[TANJONG KARANG]**

SOALAN :

YB. Datuk Seri Noh bin Haji Omar [Tanjong Karang] minta **MENTERI PELANCONGAN DAN KEBUDAYAAN** menyatakan berapakah kawasan yang ada di negara ini yang dalam perancangan bakal diwartakan sebagai tempat warisan dan boleh dikunjungi oleh pengunjung setempat.

JAWAPAN : DATO' SERI MOHAMED NAZRI ABDUL AZIZ
MENTERI PELANCONGAN DAN KEBUDAYAAN

Tuan Yang di-Pertua,

Untuk makluman Yang Berhormat, Kementerian Pelancongan dan Kebudayaan melalui Jabatan Warisan Negara telah menyenaraikan lebih 180 kawasan atau tapak yang bakal diwartakan sebagai tapak warisan di bawah Akta Warisan Kebangsaan 2005 [Akta 645] yang mana ianya telah menepati kriteria di bawah Seksyen 67.

Mengikut Seksyen 42 pemeliharaan sesebuah tapak adalah di bawah tanggungjawab pemilik. Justeru, tidak semua tempat atau tapak warisan boleh dikunjungi melainkan mendapat keizinan pemilik sesuatu kawasan.

Antara tempat yang bakal diwartakan dan boleh dikunjungi adalah Bangunan Galeri Diraja Sultan Abdul Aziz, Selangor, Gereja Katolik Our Lady of Lourdes, Selangor, Kuil Sri Angalamman, Melaka dan Kelliie's Castle, Perak.

Selain itu tempat yang telah diwartakan dan boleh dikunjungi adalah Kota Malawati, Selangor, Istana Jahar, Kelantan, Bangunan Bank Kerapu, Kelantan, Menara Jam Besar, Pulau Pinang dan Batu Peringatan J.W.W. Birch, Perak.

Sekian, terima kasih.